



SAKSFRAMLEGG

Sakshandsamar: Daniel Borge Kristensen	Arkivkode: FA-C1
Arkivsaksnr: 23/724	Løpenr: 23/8751
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	14.09.2023	075/2023

Ungdomsklubb

14.09.2023 Kommunestyret:

Handsaming i møtet:

Framlegget til rådmannen vart samrøystes vedteke.

KS- 075/2023 Vedtak:

Kommunestyret viser til at styret for ungdomsklubben i Samnanger per i dag ønskjer å halde fram med å arrangera ungdomsklubb på biblioteket på Bjørkheim. Kommunestyret vil difor ikkje ta initiativ til å etablera ungdomsklubb i andre lokale i kommunen. Kommunestyret ber likevel rådmannen om å ha dialog med styret i høve til om andre lokalitetar for ungdomsklubb kan verte aktuelt på eit seinare tidspunkt.

Rådmannen sitt framlegg til vedtak:

Kommunestyret viser til at styret for ungdomsklubben i Samnanger per i dag ønskjer å halde fram med å arrangera ungdomsklubb på biblioteket på Bjørkheim. Kommunestyret vil difor ikkje ta initiativ til å etablera ungdomsklubb i andre lokale i kommunen. Kommunestyret ber likevel rådmannen om å ha dialog med styret i høve til om andre lokalitetar for ungdomsklubb kan verte aktuelt på eit seinare tidspunkt.

Saksopplysningar:

Bakgrunn for saka:

I ein interpellasjon frå Anja Elisabeth Gjerde Markhus i Bygdalista i kommunestyret 15/6-23, kom det spørsmål om rådmannen kunne finna ut av om det er mogleg å ta oppatt tilbod om ungdomsklubb blant ungdomar i Samnanger, og om ein kan ha det i eit av ungdomshusa i bygda (eks. Vonheim, Nordborg). Kan det la seg gjera med dei ressursar som er i kommunen å arrangera ungdomsklubb eksempelvis ein fredag i månaden? Eller eventuelt andre kostnadar dette vil føra med seg. Og sjå på om det evt. kan startast opp hausten - 23.

Vurderingar og konsekvensar:

Vurderingar:

Medlemer i Samnanger Ungdomsråd har arrangert ungdomsklubb ca. ein gong i månaden sidan november 2019, i biblioteket på Bjørkheim. Ungdomsrådet har valt eit styre på 2-4 personar (som regel medlemer frå ungdomsrådet) som skal ha ansvar for å planleggja, marknadsføra, skaffa vakter og arrangera ungdomsklubben. Ungdomsklubben har vore arrangert ca 1 gong i månaden med unntak av perioden med pandemi. Ungdomsklubben har nytta biblioteket, og her har dei mellom anna hatt moglegheit for gaming, musikk, mat og å møta vener.

I ungdomsrådsmøte i juni 2023 stilte sekretær for ungdomsrådet Daniel Borge Kristensen spørsmål om dei ønskte å arrangera ungdomsklubb andre stader enn biblioteket, som til dømes Nordborg. Alle medlemmene i ungdomsrådet var samde om at dei ikkje hadde noko ønskje om å arrangera det andre plassar enn biblioteket. Dei meiner at dei har alt dei treng der, og at dette er ein bra plass å arrangera ungdomsklubb på.

Sjølv om ungdomsrådsmedlemmene er fornøgd med biblioteket så kan det vera andre som ønskjer å ha det i eit av ungdomshusa. Tilbakemeldingar frå ungdom som har brukt ungdomshus til andre arrangement har vore positive og at her kan det vera litt meir privat enn på biblioteket i forhold til for eksempel dansing eller andre liknande aktivitetar.

Konsekvensar:

Medlemmene av ungdomsrådet meiner at dei ikkje treng å benytta eit av ungdomshusa til ungdomsklubb fordi dei er nøgd med biblioteket. Her har dei det dei treng, slik som kjøkken, gamingutstyr, høgtalarar, projektor, biljard/bordtennis, brettspel med meir.

Leige av Nordborg eller andre ungdomshus vil føra med seg ein kostnad for ungdomsrådet eller kommunen. Det kostar t.d kr 1500,- å leiga Nordborg, som vil komma på ca 13.500,- i året (9 gonger). Det vil også medføre ekstraarbeid med flytting av utstyr frå biblioteket og vask av huset.

Det vart i ungdomsrådsmøtet i juni valt nye personar til styret i ungdomsklubben. Det er mogleg at dei vil gjera endringar frå dagens ordning og til dømes arrangera ungdomsklubb oftare og med anna innhald. Men dei er i dag samde om at biblioteket er ein god plass å arrangera det på. Samtidig så kan det vera andre ungdommar som ønskjer det andre plassar. Ungdomsklubben har eit ungdomsstyre som planlegg og utfører ungdomsklubb. Ungdomsklubbstyret bør sjølv ta ei avgjerd på kva dei ønskjer å gjera framover.